



UNIVERSITÄTS-
BIBLIOTHEK
PADERBORN

Thesavrvs|| Locorum|| Commvnivm|| Jvrisprvdentiaē

Barbosa, Agostinho

Lipsiæ, 1697

Cap. XXXIV. Forum, Forensis.

[urn:nbn:de:hbz:466:1-80071](https://nbn-resolving.org/urn:nbn:de:hbz:466:1-80071)

XII.

FORMA legis omnia corrumpit actus, *vid. supr. lib. 1. c. 25. Axiom. 49. & ibi citat: adde Sebast. Medic. de Regulis Juris, reg. 7. n. 2. Intrigl. consil. 1. n. 149. lib. 1. Sacc. de conject. §. 1. q. 1. n. 148. Novar. d. lib. 1. q. 78. n. 9. Castill. controvers. lib. 5. p. 2. cap. 149. n. 26. & seg.* [Gu. Forster. 2. observ. 12. ratio, polita enim forma, tum demum res ponitur, cap. 1. & c. cum apud. 23. de spons. l. 7. §. 17. ff. de transact. Everh. in loc. à defectu forma. per tot. Hinc Forma à lege tradita, in dubio est de substantia, & omnia vitiat actum. Bald. in l. comparationes 20. col. 2. C. de fid. instrum. & l. 1. C. ut in poss. leg. & in l. tutor 4. C. in quib. caus. in integr. restitut. non est necess. ideo Forma non servata, actus est nullus, etiam si statutum ultra non procedat annullando, si statutum est prohibitorium: alias secus. Alex. consil. 23. part. 4.]

[Limitationis loco porro nota, quod cum Forma servari non potest, quæ acta sunt, valent, etsi forma servata non sit, Joh. Andr. in cap. in toto 80. de Regulis Juris in 6. Abb. consil. 25. col. 2. vol. 2. Alex. consil. 206. dub. ult. vol. 6. Aym. Crav. consil. 12. n. 2. consil. 165. vol. 1.]

CAP. XXXII.

Fortuna, Facultates,

Opes, Sors.

Axioma I.

Sæpe de bonis suis amplius sperant, quam in his est, homines. §. 1. Instit. qui ex quib. caus. manum.

II.

Non tenetur nauta fortunas cujusque excutere. §. 6. de l. Rhod.

III.

Fortuna sæpe in controversiis adhibetur. §. 23. Instit. de opt.

CAP. XXXIII.

De Fortuitis & In-

opinatis.

Axioma I.

Incerta & inopinata turbant & actus impediunt. l. 4. §. 4. de officio Procons.

II.

Fortuiti casus non continentur appellatione periculi. Hanc regulam probat glossa in l. 4. §. 4. ff. si quis caut. in judic. l. 1. §. 35. in fin. ff. de pos. l. 6. C. de pign. act. Ampliat verò & limitat eam Francisc. de Ripa, de pest. in princ. in cap. de privilegiis contractuum causa pestis, n. 70. cum seq. aliam limitationem ponit Jacob. de S. Georg. in d. l. 4. §. 4. Si quis caut. judic. n. 14. Est autem fortuitus casus inopinatus rei eventus, quem nul-

la hominum providentia vel cura cavere aut providere potest. l. 6. C. de pign. act. l. 23. in fin. de Reg. Jur.

CAP. XXXIV.

Forum, Forensis.

Axioma I.

De renunciatione Fori vide Mynsing. 1. obs. 88. Gail. 1. obs. 1. n. 29. & obs. 40. per tot. Grev. ibid. Frider. Martini de jure censuum cap. 6. n. 33. Fachin. lib. 1. controvers. 61. Ant. Hering. de fidejuss. cap. 23. n. 18. & segq.

II.

Forum Rei sequitur Actor. *vid. supr. Actor.*

III.

Forum domicilii potentius est originis foro, l. 190. de verb. signif. gloss. in cap. statutum u. §. cum verò. de Rescript. in 6. Decius in cap. ad nostram. c. 3. cl. 1. n. 3. de appellat. Unde cum quis uno loco domicilium, ex altero verò originem, habet, & dubitatur, an sit judicandum secundum locum domicilii, vel originis, subiecta materia est inspicienda, & si ad domicilii locum spectat, secundum jura civitatis, in qua domicilium habet, est judicandum, Bald. in l. 1. col. 4. Cod. de Sum. Trin. Dec. concl. 352. n. 4.

IV.

FORUM fortiri, & statutis ligari, paria sunt, gloss. in l. 2. ff. de eo quod certo loco. & in cap. 9. quod clericis, de foro compet. Alexand. consil. 157. n. 15. lib. 2. & consil. 211. Visa facti. n. 5. in fin. vers. similiter, eod. lib. 2. & consil. 44. n. 10. lib. 5. ubi ait, quod in omnibus casibus, in quibus quis delinquendo in territorio, vel contrahendo dicitur fortiri forum, ut ibi conveniatur, ita poterit eisdem casibus ligari statuto, quia à pari procedunt, Thesaur. Pedem decif. 123. n. 12. Menoch. consil. 343. n. 33. Brunor. à Sole in locis communibus. verb. forum 1. & verb. forens. n. 5. ubi hinc infert, quod forensis contrahens in loco, tenetur servare solemnitates ejusdem loci, Cardin. Tusch. tom. 4. lit. F. concl. 444. per totam. Bellet. disquisit. clerical. p. 1. tit. de exempt. clericor. à statutis secularib. §. 1. num. 7. Steph. Grat. discept. forens. tom. 4. c. 709. n. 22.

V.

FORUM fortiri, & consuetudine ligari, à pari procedunt, Alexand. consil. 217. Viso quodam. n. 6. vers. hoc confirmo. lib. 7. quem refert Cardin. Tusch. d. concl. 444. num. 5.

VI.

Quotiescunque agitur de onere rei imposito, toties forenses tenentur.

Ratio: quia onera rei coherent, ergo de re ibi, ubi est sita, agendum. l. 1. C. ubi in rem actio, Mev. P. 2. Dec. 367. n. 5. Exemplum in Collectis ratione rei impositis, v. gr. Susenstener.

Li-

Limita: Nisi Lege seu Consuetudine aliud fuerit receptum. *Mev. P. 2. Decif. 373.*

VII.

Quotiescunque agitur de onere personæ imposito, toties forenses non tenentur, quia in personas eorum nulla competit jurisdictio, vid. *l. extra territorium. fin. ff. de Jurisdic. Exemplum in Capitationibus, im Kopff-Gelde de quibus tot. tit. C. de Capit. Civ. Censibus exim.*

IX.

Quoties quis deprehenditur in loco Contractus non mox inde recessurus, toties in illo conveniri potest. *cap. 1. §. contrahentes de foro compet. in 6to.*

Ratio: quia sic contrahendo in isto loco videtur se accommodare ejus loci legibus & ibidem solutionem fieri voluisse. *l. 1. 2. & 3. ff. de Reb. aut. Jud. possid.*

Exemplum: ita ergo, qui transvehendo urbem obiter quid emerat, vel vendiderat, termino ad solvendum dato, non poterit ibi conveniri. *Zanger. de Except. P. 2. C. 1. n. 127.*

Declarat: nisi convenerit, ut alibi fiat solutio, sic enim in illo loco convento agendum. *l. contraxisse 21. ff. de O. & A. Plura vid. apud Brunem. ad l. 19. ff. de judic. n. 16.*

IX.

Ubi quis deliquit, ibi forum sortitur. *l. un. C. ubi de Crimin.*

Ratio: quia delinquendo sese subjecisse videtur legibus loci, & ibi statuendum exemplum, ubi commissum est delictum.

Limita: ut etiam puniri possit in foro deprehensionis, sed secundum statuta loci, ubi delictum est commissum. *Carpz. Prax. Crim. 2. 54. num. 51.*

X.

Quoties causa ob singularem qualitatem privilegium habet forum, toties non admittit prorogationem.

Ratio: quia si ipsius eximentis interest, ne ille, quem exemit, ab alio judicetur, interest sua, ne talem jurisdictionem amittat. *Gail. lib. 1. observ. 40. n. 5.* Ita ergo vasallus non potest consentire in alterius jurisdictionem, pariter nec Clericus. *cap. 12. X. de foro compet. Nec studiosus in jurisdictionem Senatus oppidani.*

Declarat: nisi ille, cui per talem prorogationem prajudicatur, consentiat. *arg. cap. 1. & 18. X. de foro compet.*

XI.

Quoties actus est voluntariæ Jurisdictionis, & nullam causæ cognitionem desiderat, toties poterit coram quocunque judice, etiam incompetente, expediri.

Ratio: quia sic nulla lis est inter partes, ad quam coercitione opus. Hinc nec competentia judicis necessaria, sed in arbitrio relictum est privatorum, ubicunque talem actum expediri velint, modo hoc autoritatis gratia in aliquo judicio fiat.

Exemplum: ita ergo manumissio ubicunque fieri potest, non autem arrogatio impuberis. *l. 15. §. 2. & l. 17. ff. de adopt.*

XII.

Quoties judicis jurisdictio restricta est ad certam quantitatem, toties quidem in contentiosis intra illam quantitatem judicare nequit, in voluntariis tamen pro habili etiam in majori quantitate reputatur. *l. 74. §. 1. ff. de Judic.*

Ratio: quia priori casu res agitur inter partes dissidentes, quibus Judicis sententia prajudicare posset, quod secus in casu posteriori, ubi liberum erit alterius jurisdictioni se subicere eamque in se prorogare. *l. 1. ff. eod. & ita poterit donationis insinuatio fieri coram judice, cui tantum usque ad centum thaleris coram dicere permissum.*

XIII.

Fori incompetentia semper debet allegari. *Angel. in l. 5. §. 2. ff. de Juris.*

CAP. XXXV.

Frater.

Axioma I.

Quoties inter Fratres de bonis paternis lis est, non spectantur regulæ juris, quæ omnes sunt summi juris, sed benignitas & æquitas. *l. 8. de colat. bonor. ubi Cujac. in lib. 3. qq. Papin. pag. 80. lit. D. & E. ait, non esse ad vivum rescanda ea, de quibus disceptatur inter fratres. fac. l. 3. C. de inoffic. test. Welsch. consil. 321. n. 25.*

II.

Frater dives tenetur alere fratrem inopem. *Gloss. & Bart. in l. 1. C. de alend. Liber. & dotare fororem inopem. Campes. de dot. 1. 4. 23.*

III.

Frater, qui administravit rem familiarem, tenetur reddere rationes, aliàs est in dolo. *Socin. consil. 78. Dec. consil. 215. vol. 2. & agi potest contra ipsum ad bona adventitia fratris vivo patre dissipata. Bald. in l. filia 18. C. fam. erisc.*

IV.

Fraternitas iurata non tribuit jus succedendi. *Sich. in l. 1. n. 3. C. qui test. fac. poss. Boer. decis. 355. Wehn. obs. pract. verb. geschworne Brüder.*

V.

Fratres mortuo patre simul habitantes in domo paternâ intelliguntur contraxisse societatem. *Dec. consil. 21. & 68. vol. 1.*

VI.

Fratri pro administratione rei familiaris non debetur salarium. *Jafon. in l. 20. in fin. C. de Colat.*

CAP. XXXVI.

Fraus, Fraudator.

Axioma I.

Fraus, quibus ex conjecturis probetur, vide. *Dec. 4. consil. 71. per tot. quomodo à dolo distinguatur, vid. in not. ad Brisson. hac voce.*

II.

Fraus duplex est: Altera in mente, altera in re: in mente est dolus, in re damnum. *l. 7. §. sed si fraudandi 10. de pact. Pac. in Anal. §. 3. Institur. quibus ex causis manum. non lic. vid. l. 1. C. si adversus delict. l. 36. de Verb. obligat. l. 2. §. 1. de dol. & met. except.*